

Bwzswz:

Vunzlai Comz Rengz Hoenx Binghlah Bouboux Caezhoz Dingj Hojnanz

百色:众志成城抗击疫情 万众一心共渡难关

Daep cieng dangjyenz coq najaek、langhbaij bonjfaenh dwg dangjyenz、yaengx sang geizdangj hoenx binghlah, “gou dwg dangjyenz gou guh gong!” Fung nem fung saenq cingigouz dingjhoenx, aen dam aen yaenqfwngz hoengzfwf, coenz youh coenz vahmieng buek hoenx……Geij ngoenz doxriengz neix, Bwzswz Si gak cuz ganbu ginzcong bae giz ceiq baihnaj dingjhoenx binghlah, bouboux cungj mbouj nguh saek seiz ciuq gak aen banhfap fuengzgaemh binghlah, hawj geizdangj youq giz ceiq baihnaj dingjhoenx binghlah hoengzfwdfwd.

(Vuj Cunghgoz/伍忠国)



Cingsih: Gangj Vahcuengh Lwnh Vunzlai Fuengzgaemh Binghlah

靖西:用壮语宣传疫情防控

“Gak boux beixnuengx, cingj daihgya ganjvaiq bae guh hwzsonh! ……” Geij ngoenz doxriengz neix, youq Cingsih Si Vadung Cin gwnzhaw Vadung ndawde gak loh gak hongh, cungj dingqnyi gij dunghcih gangj Vahcuengh lwnh vunzlai fuengzgaemh binghlah. Ciuq cam rox, aen cin neix comz vunz aeu gvangjbo liuzdoengh, haeuj haw haeuj hongh gangj Vahcuengh lwnh vunzlai baenzlawz fuengzgaemh binghlah, iuheuh vunzlai dangdieg bae guh hwzsonh.

Ndawdoz dwg 2 nyied

12 hauh diegde baij

song boux doq

hai ci doq

aeu gvangjbo

gangj Vah-

cuengh lwnh

vunzlai

fuengzgaemh

binghlah.

(Vangz

Anhcungh/黄

安忠)



Sanhgyangh: Guh Aen Yizsiz Hai Suen Mbaet Caz

三江:举行早春茶开采仪式

2 nyied 10 hauh, aen yizsiz ciet caz

cin Gvangjsih caeuq Sanhgyangh hai

suen mbaet caz cin caeux bi

2022 youq Sanhgyangh

Dungcuz Swciyen Gujyiz

Cin gawjbanh. Baez hoz-

dung neix caemh youq

gwnzvangj caeuq dang-

ciengz guh, miz boux-

mbwk mbaet caz、baij-

yienj cauq caz、doq boq

doq gai、dangciengz yawj-

ngonz daengj. Ndawdoz

dwg vunz dangdieg mbaet

caz cin caeux.

(Gungh Bujgangh/

龚普康 Lungz Gyahcen/

龙佳倩)



Gojgaeq Dinj Minzcuz Doxgiet Baenaj Laeng Gvangjsih

广西民族团结进步小故事

Gvangjdungh Gvangjsih Baenz Beixnuengx Cauzsan Laujnungz Daeuj Soengq Bauj (Gwnz)

两广往来兄弟情 潮汕老农送宝来(上)

1965 nienz 9 nyied 15 hauh, 《Yinzminz Yizbau》youq banjdaez fat aen siusik ndeu, couhdwg Gvangjsih cingj boux nungzminz gisuz ak laeng Cauzsan daeuj ndaem naz yienghbanj cienz gingniemh, caemhcai q fat bien selun 《Cungj Banhfap Ndei Hag Gingniemh Senhcin》, gangj daengz cungj banhfap neix “doi q gak dieg doxgyau swnghcanj gingniemh, daezsang swnghcanj suijbingz, mizyungh lai raeuh.”

20 sigij 60 nienzdaih, Gvangjdungh Cauzsan digih dwg dieg daj Cungguk moq laebbaenz gvaqlaeng buek yienh daih’ it moux reihnaz ndaej haeux cien gaen, miz gingniemh gengndaem lai, doengh boux nungzminz ndaej vunz cingj bae gak dieg vixyinx gisuz de heuhguh “Cauzsan lau jnungz”, gyoengqde bae daengz Fuzgen、Gyanghsih、Huznanz daengj daengx guk 13 aen swngjgih, vanzlij Haijnanzdauj、baihsaebaek

Gvangjdungh、Cuhsanhgoz daengj dieg, Gvangjsih dwg ndawde dieg ndeu. Miz Gvangjdungh ok rengz hung haeujcoengh, 1964 nienz 10 nyied, 760 lai boux gengndaem ak laeng Cauzsan couh daengz dieg caez gvaq, faenbied daengz Gvangjsih 6 aen digih、46 aen yensi haeuj swnghcanjdui cienz ging soengq bauj.

(Gvangjsih Minzcuz Yenzgiu Cunghsinh hawj gauj)